

孚

惠

全

書

字惠全書卷二十一

偏陽獨緩十

乾隆四十一年止月初三日奉

上諭上年甘肅省皋蘭等三十七州縣夏秋二禾均被有偏災業經降旨於照例賑卹外乘春布澤再沛恩膏特予加賑用資接濟惟念皋蘭等處尚有應徵從前因災未完民借籽種口糧折色等項曾經疊次加恩於原限六年之外再展二年四年者其四十年分應徵之數例應按限催徵第念各該處上年夏秋又經被災民力不無拮据若勒爾謹將該年皋蘭等三十七州縣被災之處應徵未完籽種各數迅即詳查奏明再予展限一年俾荒

瘠邊黎得緩追呼共安樂利該部即遵諭行

三十日奉

上諭據李質穎奏安慶等府州屬上年間被旱災
所有乾隆四十年分漕糧已蒙緩至四十一年帶
徵其壽州宿州盱眙懷遠四州縣自三十八年後
連被偏災若統於四十一年折舊併徵民力未免
拮据等語著加恩將壽州等四州縣所有乾隆三
十八九兩年積欠漕糧一萬四千九百餘石緩至
四十二三兩年分年帶徵俾民力益紓以副優恤
窮黎之至意

三月初十日奉

上諭朕因平定兩金川集勳奏凱舉告成

閩里之典巡幸山東通江蘇巡撫薩載以封圻接
壤前來迎鑿於行在召見詢及江蘇省上年被災
情形據奏被災各屬崇恩蠲賑類施並皆得所惟
山陽等四屬乾隆三十九年因災蠲剩應分年帶
徵漕糧及句容等各屬乾隆三十九四十年緩
徵漕糧均應同四十一年新漕一併帶徵等語因
思連年被災之地今歲即遇豐收元氣尚未能驟
復若漕糧新舊並徵民力不無拮据著加恩將山
陽清河鹽城阜寧四縣乾隆四十年分災緩漕糧
二萬七千九百餘石統俟三十九年分蠲剩漕糧
按限徵完後再行接續帶徵並將句容江浦高郵
泰州東臺興化寶應甘泉儀徵武進陽湖江陰宜

興荆漢丹徒丹陽金壇溧陽等十八州縣乾隆三十九年分緩漕十萬八千七百餘石於四十一年帶徵其四十年分緩漕四十一萬一千餘石於四十二年帶徵俾閭閻益得寬舒以示朕軫念貧氓之至意該部即遵諭行

御製命展限江南被災州縣漕糧詩以誌事

申

接壤撫臣蹕路迎先詢災後于民情頸施恩賑差

得所積欠漕糧慮取贏江蘇巡撫薩載至山東迎

奉崇恩與折漕一併帶徵民力未免拮据因俸旨將山陽

等四縣上年災緩漕糧二萬七千九百餘石俟前

歲蠲利漕糧從完後再行帶徵並將句容等十八

州縣所有前歲緩漕四十一萬一千餘石於明年

帶徵其非前歲緩漕四十一萬一千餘石於明年

好民力以因與分年視新舊善教各郡緩輸征定殷

近歷忽偶向惟是一心厯萬氓

乾隆四十二年十月十一日奉

上諭湖北省江陵監利二縣本年因秋水泛漲其最低坑田間有被浸處所雖該撫等查明疏消補種俱秋成有望不致成災第念該處坑田俟水退後補種收穫收成究未免數薄所有江陵監利二縣被水補種數畝各坑田本年下半年錢糧著加恩緩至次年麥熟後徵收以示體恤貧民之至意該部即遵諭行

乾隆四十三年正月初三日奉

上諭昨歲山東省七八月間雨澤稀少以致歷城章邱濟陽鄒平齊東臨邑莒邑館陶羊縣冠縣青

城商河蒲臺陽穀壽張朝城觀城臨清邱縣等十
九州縣秋收較少嗣於九月底得有雨澤二冬半
已補種又降旨停買十九州縣應補半糶倉穀以
平市價並准於冬間豫為出借倉穀俾資接濟第
念各該處秋收既歉民氣未舒所有上年地丁尾
欠今春若照例催徵閭閻力量充恐不能寬裕著
加恩將此十九州縣應徵錢糧緩至春熟後再行
徵收俾數區貧民得緩追呼共安樂利該部即遵
諭行

初三日奉

上諭上年河南省秋雨未能一律普霑而汲縣淇
縣臨漳三處秋收尤為歉薄節經降旨令該撫等

將各該縣未完錢糧倉穀緩至來春春後徵收並
令汲縣臨漳二縣無力購種之戶撥借籽種銀兩
以紓民力第念偏災窮戶力量完未能寬裕該處
地丁錢糧若至春後新舊並徵貧農不無拮据者
加恩將上半年汲淇臨漳三縣緩徵地丁銀四萬四
千餘兩蠲免十分之四俾節正供之有餘以資民
食之不足該部即遵諭行

御製新正加恩去歲山東河南甘肅三省偏災州

縣詩以紀事

成

寰區幅員廣焉能善報豐歉少而豐多即屬幸感
衷昨午祇三省偏災嗟偶蒙雖曰十之一亦憐百
姓窮齊則十九處豫惟三縣逢秋收均已薄雪復

未嘗冬出借及蠲緩輕重視所應叶山東歷城等十九州縣秋
收款少秋雨復遲已令豫借倉穀俾資接濟茲復
論將各該處上年尾欠緩至冬熟後開徵以紓民
力河南泌陽臨漳三縣去歲秋間缺雨收成最薄
業予借種從微今歲降奇糈上年應緩正賦蠲免
十分之四俾周 甘肅吏瘠貧賑恤歲率同是宜乎
閭不致拮据
加展俸民鋤口充甘肅積穀之區每資賑賑昨歲
災已照例蠲賑茲命諱災我戒切祈豐我望顯補
展賑一月俾資接濟

偏救弊耳安得緩屢重

二月初一日奉

上諭豫省開封彰德衛輝懷慶河南五府屬上年
秋冬雨雪缺少種麥既遲收成不無稍減現已疊
渥春膏農民自可及時播種但當青黃不接之時
若將本年應徵錢糧照例開徵民力不無拮据著

加恩將開封等五府屬州縣本年折徵錢糧緩至
麥後徵收於農民生計更為有益著交榮柱等協
辦理俾窮黎均霑膏惠該部遵諭速行

三月初四日奉

上諭直隸廣平大名二府屬與河南接壤上年秋
間雨澤短少所種秋麥無多冬雪春膏亦未深造
不能趕種春麥農民祇可盡力大田但春夏之間
尚不能即資接濟所有該二府屬上年應徵錢糧
錢糧均著加恩概行緩至本年秋收後徵收俾民
力不致拮据該部遵諭速行

四月二十二日奉

上諭山東省歷城章邱等十九州縣因上年雨澤

稀少秋收數薄已降旨將該州縣應徵錢糧緩至
麥熟後徵收第念數收各處口食稍艱若於麥收
後即令輸將未免尚形竭蹶又范縣夏津二縣現
在尚未得有透雨著加恩將歷城等十九州縣及
范縣夏津二縣所有應徵新舊錢糧俱緩至本年
秋後起徵以紓民力該撫務董率所屬悉心經理
以副朕軫念貧民之至意該部即遵諭行

五月初五日奉

上諭直隸順德廣平大名三府屬與河南接壤因
上年雨澤稀少所種秋麥無多本年春膏亦未深
透雖直隸本年輸納錢糧間可免追呼但該府
屬上年尚有應徵錢糧前已降旨緩至秋收

後徵收第念數收各處口食稍艱若於秋收後即
令輸將未免尚形竭蹶若加恩將三府屬所有帶
徵錢糧概行緩至來歲奉執後徵收以紓民力該
部即遵諭行

八月初五日奉

上諭豫省儀封考城一帶黃河漫口奪溜被災較
重朕心深為軫憫已命大學士高晉選帶諳習河
工將備兵弁呈馳赴工速籌堵築復降旨截留漕
糧二十萬石並留豫省新漕十萬石又先後撥運
兩淮鹽課銀一百萬兩並命尚書袁宇侗前往查
辦董鈞有司實心賑恤俾災民不致失所現在要
工需用料物甚急雖令未被災之各州縣辦運但

念該省昨秋今夏俱係歉收幸六月得雨後補種
秋禾而七月內陰雨連綿收成又不免稍減若照
定例給價購辦尚恐不敷著再加恩將所辦料物
無論道路遠近於正價之外每百觔加價銀五分
小民自必踊躍趨事可期迅速嚴工該撫務須督
率所屬奮力妥辦期民間均霑膏惠毋致吏胥侵
肥中飽副朕軫念窮黎之意該部即遵諭行

二十四日奉

上諭豫省儀封考城一帶黃河浸口被災較重朕
心深為軫惻業經降旨截留漕糧二十萬石併留
豫省新漕十萬石又先後撥運兩淮鹽課銀一百
萬兩並命尚書袁守侗前往查辦並飭有司守心

賑恤俾災民不致失所第念被災州縣尚有應徵
米豆等項若令冬仍令輸將貧民未免拮据若再
加恩將儀封考城商邱寧陵睢州祥符陳留杞縣
本年共應徵粟米三萬一百八十七石零五五
九百一十三石零又祥符等六州縣應徵麥一千
六百五十六石零一併緩至次年秋後徵運以紓
民力該部即遵諭行

十一月初一日奉

上諭豫省開封彰德衛輝懷慶河南歸德陳州七
府並許汝二州本年雨澤稀少春麥未得及時播
種業經加恩將被災貧民酌借口糧籽種俾得耕
作有資並上年出借倉穀緩至未年麥收後徵還

以紓民力第念該省久旱之後復被水災窮黎實為可憫雖此七府二州縣秋收亦有在八分以上者但二麥既已數收元氣未能驟復若將秋後應運之籽種口糧與出借倉穀同時並徵民力未免拮据若再加恩將開封等七府屬並許汝二州秋收尚有八分之洧川鄆陵中牟陽武封邱蘭陽鄭州滎澤滎陽汜水密縣新鄭夏邑虞城新鄉輝縣淇縣延津滑縣濬縣修武武陟孟縣溫縣偃師鞏縣宜陽登封永寧澠池嵩縣三十一州縣所有出借倉穀二十二萬六千三百二十一石零減半徵還餘俟來年秋後徵收還項其秋收僅有七分之二通許尉氏禹州安陽湯陰林縣武安涉縣內黃獲

嘉河內濟源原武洛陽孟津新安扶溝汝州十八州縣所有出借倉穀二十萬五千一百六十五石零同秋收僅有六分之許州併襄城長葛二縣及毗連災地一隅被水之淮寧太原二縣出借倉穀二十萬五千九百五十一石零均緩俟來年秋後徵還至上年先已被災而秋收僅有七分之汲縣臨漳二縣本年出借籽種口糧銀四萬六千餘兩併出借倉穀一萬一千七百三十石零均俟來年冬熟後分別徵還再汝陽上蔡正陽新蔡信陽羅山商水西華臨潁魯山郟縣潁陽伊陽光州光山固始息縣商城十八州縣出借倉穀二十萬四千五百八十八石零先徵十分之六餘俟明年秋後徵還

俾民力更紓以示軫念窮黎至意該部即遵諭行

十一日奉

上諭本年湖北漢陽等各府屬先被旱災又因漢江盛漲被淹災分較重節經降旨諭令該督撫等加意撫恤第念災後貧民蓋藏鮮少其補種之秋最難糧收成亦屬有限若銀米兼徵民力不無拮据著加恩將成災有漕之江夏武昌嘉魚漢陽黃陂孝感黃岡潛江天門荊門安陸雲夢應城應山江陵公安石首監利松滋咸寧蒲圻大冶等二十二州縣本年應完漕糧正耗米石水脚及隨漕銀兩均緩作兩年帶徵至有漕之崇陽通城興國沙陽新水羅田蘄州廣濟黃梅隨州等十州縣雖未

成災但恐與災地環近在本處既穀收食青而鄰
境成災應賑之民皆仰資購食又通山當陽二縣
雖係折徵銀兩但需撥江夏等州縣應納漕糧以
資接濟並著加恩將該十二州縣應納漕糧正耗
米石及折漕銀兩水腳隨漕等銀同成災無漕而
有應徵隨漕淺船銀之黃安等縣暨屯田分坐災
地應徵軍三安家閒丁等項分解湖北湖南之武
昌荊州等各衛所銀兩一體暫寬催納亦緩至下
年一併帶徵該督撫等務宜量率各屬審力妥辦
毋使吏胥從中滋弊以副朕軫念災黎至意該部
即遵諭行

乾隆四十四年二月十三日奉

上諭豫省自上年麥收較薄節經降旨將開封等府州錢糧倉穀分別緩徵並將乾隆四十五年豫省應行蠲免之錢糧即改於四十三年蠲免嗣因儀封考城一帶黃河漫口被災較重朕軫念災黎截漕發帑賑恤撫綏新春又加恩展賑自可不失所第念目今已屆開徵之期而儀封漫口屢冲不免復有被淹之處其麥收不無較薄即未經被災地方亦有出夫辦料之事小民踴躍急公均屬可嘉著再加恩將該省應徵乾隆四十四年分地丁錢糧無論已被災地方概行緩至本年秋收後開徵以紓民力該撫督率所屬妥協辦理務使窮瘝均霑粒澤副朕加惠無已至意該部遵諭速

行

御製降旨賑豫省地丁錢糧詩以誌事記

二月開徵例則然豫民災薦被堪憐決河尚待成

工日別郡那無辦料田各縣催科概從緩俱封

潞河復有被淹之處其冬北不無歉薄即木被災

地方土人辦料小民亦多踴躍急公今年錢糧現

至秋成後從徵收以紓民力窮簷泥澤俾均宣通

聞春雨頻優霈德彰德新調豫撫使各群祖春開封歸

十至二月初一得雨二三寸不等為祝雙登

麥苗亦滋暢茂早秋亦得乘時播種

秋及人意倍虔

二十三日本
上諭直隸大名廣平順德三府屬因上年夏麥歉
收節經降旨加恩緩徵並賞借貧民五六兩月口

糧以資接濟第借過口糧應於本年麥熟前照數
徵還惟現在地丁錢糧亦屆開徵之期若新舊並
徵閭閻未免拮据若再加恩將直省上年夏間出
借口糧社義倉穀十三萬二千五百餘石常平糶
價銀十一萬二千八百餘兩俱緩至本年秋成後
徵收以紓民力該部遵諭速行

九月二十九日奉

上諭戶部議署陝甘總督畢沅奏請將鞏蘭等三
十七廳州縣被災地畝應免銀糧於十四年補
額之處毋庸議一摺甘肅地丁額徵銀糧已於乾
隆四十三年善行蠲免恩無屢邀因屬照例議駁
第念甘省地瘠民貧與他省情形迥異若再加恩

照三十六年之例將臯蘭等三十七廳州縣夏禾被災應免徵銀一萬三千一百七十餘兩若糧七十四石四斗零於四十四年補行蠲免以示朕軫念邊氓有加無已之至意

十一月初九日奉

上諭上年湖北偶被偏災業經降旨加恩賑恤並將成災有漕之江夏等九州縣漕糧正耗米石隨漕水脚銀兩緩至己亥庚子兩年帶徵本年該省豐收各屬有糧花戶自應踴躍輸將第念潛江江陵監利沔陽荊門五州縣俱係上年災重之區若將緩帶銀兩一併徵收民力未免拮据著再加恩將潛江江陵監利沔陽荊門五州縣上年災數令

復成災田地應分作庚子年帶徵銀米展至辛丑年徵收俾民力寬舒共受盈寧之樂該部即遵諭行

乾隆四十五年正月初二日奉

上諭上年因豫省坊築漫土曾降旨將應徵地丁錢糧緩至秋後開徵第念該省自議考數州縣被水成災外其餘各屬雖復有收而元氣初復戶少蓋藏若將地丁及舊欠並徵民力不無拮据著再加恩將該省四十四年分應徵地丁錢糧除被災各屬蠲免外其餘俱自四十五年為始分作三年帶徵歸款用昭體恤窮黎至意該部即遵諭行

乾隆四十六年六月二十八日奉

上諭據何桂芬奏邊寺查明甘肅應行撫恤事宜
請將蘭州河州地方照乾隆三十年寧遠伏義匪
渭三縣地震之例辦理等語此次甘肅蘭州河州
等處猝被逆回焚掠亟宜加意撫綏以蘇民困所
有該處應徵本年錢糧著加恩概行蠲免以示優
恤卽遵諭進行其餘所奏卹賞各事宜並著行在
戶部議具奏

御製命尚書和坤往甘肅同總督勒爾謹會籌執
醜善後事宜並遭賊氛變後何以加恩處奏
來頌晉詩以言志詳

畧回爭教肆狂信竟劫河州逼省閭雖事鋪設將
執醜却却蹂躪已殃民時咨善後執居要撫恤為

先合沛仁曰隱曰報應入告十行次第待頒諭

御製命加恩甘着被番回兵災窮民詩以誌事用

四月降旨查卹施恩詩韻群

何來雜種逞刁信竟犯州城躡市閭早以詳查命

大吏先是命尚書和坤往甘肅即令將該地方遭

報應入告十行次茲因審政忠窮民本年糧賦全

第待頒諭之句茲因審政忠窮民本年糧賦全

緝納六月廿八日據阿桂等奏甘肅應行撫恤事

宜請將蘭州河州地方照乾隆三十年章程

等縣地畝之別辦理因即降諭旨將蘭州河州本

年應徵錢糧儘如恩蠲行額免其傷斃人口每名房

屋每間請各給銀二兩又每人先給食糧三斗再

馬每頭區借給價銀四兩俾被賊焚掠貧民各安

生業俱交行在戶部核覆依議速行仍令該地方

官實力撫綏雙處災傷善施仁小醜潢池累黎

庶自無德化愧絲綸

七月二十四日奉

上諭本年六月江蘇崇明縣倖遇風潮被災較重
業經降旨令該督撫查明分別賑恤並截留漕糧
十萬石以資接濟該處既被災貧民輸將未免
拮据朕心深為軫念所有崇明閘縣應從本年地
丁錢糧著再加恩蠲免以昭體恤該部遵諭速行
八月初四日奉

上諭甘肅蝗災冒賑一案經阿桂等查明歷年積
弊俱已水落石出不可不徹底查辦但恐各督撫
誤會朕意匿災不報則大不可因屢次宣諭嚴切
申誡並令李侍堯派委明幹公正大員詳查該省
各屬被災輕重奏明辦理茲據李侍堯奏到查明

被災各屬情形分別撫恤如此辦理方是所有甘肅梓被黃水漲溢之隴西寧夏寧朔平羅等四縣貧民口食未免拮据著該督即董率所屬先行加意撫恤其房屋牲畜亦有沖倒淹斃之處並著即行查明照例辦理至李侍亮查奏各屬秋禾被雹及被黃疸等處內金縣靖遠安定會寧伏羌碾伯大通等七縣雖據勘明俱在四五分以內例不成災但念該屬今歲承辦軍需一切執運糧草民情甚為踴躍並著加恩將該七縣本年額徵銀糧蠲免一半其餘緩徵以昭優恤至明年按例辦理所有李侍亮奏到遵旨查明各摺併發並將此通諭中外知之

九月十七日奉

上諭部碩奏查明晚田實在情形一摺據稱該省早稻豐登其專種晚田之戶已借本補種無需賑濟惟南昌新建等縣雖夏間雨水稍欠需足迨後續得透雨滋培補種雜糧指日成熟寄屬勸不成災等語南昌新建等縣雖據該撫確寄查勘並未成災但高阜遠水之處未經透雨田畝究未免受傷殊堪軫念所有勸不成災之南昌新建安義建昌星子德化德安彭澤湖口瑞昌等十縣各田畝應徵錢糧及軍屯餘租均著加恩緩至明年早稻後徵收俾農民生計信得從容副朕軫恤貧黎至意該部即遵諭行

十一月十四日奉

上諭本年山東章邱長山濟陽臨邑德平樂陵昌邑濰縣嘉祥德州十縣衛有曾經被水旋即消退之處又鄒縣壽張鉅野鄆城濮州范縣東昌七州縣衛秋禾已收續被黃水淹浸麥地雖勘不成災但被水貧民生計未免拮据著加恩將本年應徵糧銀緩至明歲麥收後輸納並著該撫查明應行補種麥田照例酌借籽糧歸入來春借案造報以示體恤該部即遵諭行

乾隆四十七年十月十七日奉

上諭據畢沅奏延安榆林綏德州三府州屬之膚施等一十九州縣秋禾受早被霜收成最薄等語

該處地近邊隅秋收數薄徵輸未免竭蹶著加恩
將廣施等十九州縣應徵銀糧草米並新舊借欠
常平社倉糧石俱緩至四十八年秋從徵收以紓
民力該部即遵諭行摺併發

十一月初五日奉

上諭明興來京陛見面詢以該省辦災事宜據稱
濟寧曹州等府所屬各州縣中其被水淹沒之鄉
所有村莊查明分數即遵照恩旨不拘月分給予
常川賑恤至未經被水各鄉所有莊戶收成原屬
豐稔是以仍照例徵收地下銀糧等語各省辦理
災賑事務雖例應確查實在被水鄉莊給予賑恤
毋致冒濫但一州一邑之中其未經被水鄉莊究

與災地相離不遠該處鄉鄰任恤之誼者有無相通自所必有是未被災之鄰村亦應加意休養使得分其有餘以濟不足若將山東被水各州縣中成災在五分以上者其成熟之各鄉莊概予緩至明歲秋季徵收以紓民力其與東省毗連之江而徐州等屬並著薩載等查明遵照一體辦理嗣後各直省遇有災賑事務將成災五分以上州縣之成熟鄉莊俱著照此例一體緩徵俾得通融周濟以示朕軫念災黎有加無已之至意著為令

平惠全書卷二十二

偏隅蠲緩十一

乾隆四十八年九月二十五日奉

上諭山東省濟寧金鄉魚臺三州縣前因被水較重特加恩展賑至六月底止以資糊口第念該處地故甫經涸出十之三四本年秋成未免失望若坐待春收為時尚早著再加恩展賑五個月俾來年春麥足資接濟貧民更無虞乏食又兗曹濟三屬亦係連年被水之區著該撫明興查上年被災地畝內緩徵帶徵錢糧及四十八年新糧一併加恩緩至明年春秋後再行開徵其新舊漕米倉穀亦著緩至明年秋後帶徵以示軫恤災黎有加無

已至意該部遵諭速行

十一月初三日奉

上諭據畢沅奏延安府屬之定邊膚施延川安塞保安安定等六縣本年秋禾被霜較早收成實止五分與清澗靖邊二縣情形相同請將應徵各項銀糧緩至來年徵收等語定邊等六縣秋收歉薄民食不無拮据所有本年額徵各項折舊銀糧草束及各年借欠常社倉糧俱緩至來年秋後徵收以紓民力仍於冬春的量借糶倉糧用資接濟以副朕軫念邊黎有加無已之至意

乾隆四十九年四月十九日奉

上諭前因河南衛輝府一帶缺少雨澤恐於麥田

有碍曾降旨詢問河裕城令其查明具奏茲據覆
奏該省惟衛輝府屬之汲縣新鄉輝縣獲嘉淇縣
延津滑縣濬縣封邱懷慶府屬之修武原武陽武
彰德府屬之內黃及開封府屬之祥符陳留蔡澤
共十六縣被旱較重現在查明散給籽種口糧並
請將汲縣等十六縣民欠未完銀兩緩至秋熟一
併徵完報解等語汲縣等十六縣既據該撫查明
被旱較重自應亟為撫恤著該撫督率屬員實力
妥辦其民欠未完銀兩並著加恩緩至秋熟從徵
收以紓民力該部即遵諭行摺併發

七月初七日奉

上諭前據高勒渾等奏建寧府因雨後溪河猝漲

淹及官民房屋並損傷人口業經諭令該督等飭屬詳晰查明酌量撫恤矣該處倖被水災雖經該督等分別撫恤酌借籽種口糧貧黎均已得所但究係被水之後民力不無拮据著加恩將建寧所屬之建安甌寧二縣並下游被水之延平府屬南平縣本年應徵錢糧緩至乾隆五十年秋成後帶徵以示朕體恤災黎有加無已之至意

九月初六日奉

上諭據何裕城奏請將現被水旱之衛輝府屬汲縣新鄉獲嘉三縣懷慶府屬之修武縣開封府屬之陳留縣並歸德府屬之高邱寧陵睢州三州縣本年應徵粟米豆麥緩至五十五年分年

帶徵等語本年豫省銜輝懷慶開封等處春夏被
早成災屢經降旨撫恤歸德等屬亦因漫口被淹
並諭令該撫加意撫綏若按例徵輸民力未免拮
据著照所請汲縣新鄉獲嘉修武陳留高邱寧陵
睢州等八州縣本年應徵粟米一萬一千二百八
十五石零立一萬五千八百五石零又新鄉汲縣
獲嘉修武陳留高邱睢州等七州縣應徵粍一千
五百二十石零又汲縣新鄉獲嘉修武四縣截存
薊糧米六千二百八十五石零俱緩至五十五十
一兩年分年帶徵以紓民力又睢州等州縣緩徵
粍立請照例於不被災州縣應徵粟米內照數改
徵又獲嘉等縣緩徵薊糧內有搭運天津北倉及

密雲兵米於不被災各縣截存剩米內派撥搭運
暨睢州未被災西南二鄉照舊徵收之處俱著照
所請行該部知道摺併發

十月十六日奉

上諭據伊呈阿奏江西南昌新建等六縣因上游
水發濱湖田畝被淹雖涸退後業經補種雜糧而
節候稍遲收成未克敦薄等語本年夏間據該撫
等奏萍鄉等三縣被淹當令其加意撫恤併將無
力貧民的量借給籽種無使一人失所令南昌等
六縣傍水田畝亦緣水退稍遲收成較薄若照舊
輸將民力難免拮据所有南昌應徵糧銀二千一
百三十四兩零新建應徵糧銀三千三百七十七

兩零進賢應徵糧銀一千一百三兩零鄆陽應徵糧銀一千二百四十三兩零餘十應徵糧銀二千七百三十八兩零建昌應徵糧銀三千一百八十七兩零俱著緩至五十五十一兩半年分年帶徵俾農民生計益紓以副朕軫念閭閻有加無已之至意該部即遵諭行

乾隆五十年三月二十二日奉

上諭據畢沅奏彰德一府與衛輝毗連開封河南二屬自去冬至今未霑雨雪麥苗微細夏禾不能長發等語開封等屬冬春未得雨雪此時即得甘膏播種大田西成尚早若令將新舊錢糧照常輸納小民未免拮据所有開封府屬之祥符陳留杞

縣通許尉氏洧川中牟蘭陽滎澤汜水高州密縣
滎陽鄆陵儀封鄭州新鄭等十七州縣河南府屬
新安澠池偃師等三縣彰德府屬之安陽湯陰內
黃等三縣共二十三州縣乾隆五十年並四十九
年未完錢糧及一切帶徵錢糧倉穀等項俱著緩
至本年秋後徵收以紓民力其中有受旱較重及
連年河水漫溢被淹積歉之區並著再行加賑一
月口糧俟得雨後仍按故借給籽種俾資耕作其
無地極貧下戶即加賑兩月口糧使一體均霑泥
澤該撫務須董率所屬審力妥辦以副朕軫念窮
黎有加無已之至意該部即遵諭行

御製河南巡撫畢沅奏開封等處闕雨情形並命

續徵加賑詩以誌事已

街輝連歲早疎恤多方救毗連河之南雨雪亦鮮
透是用頻咨詢撫臣茲詳奏二十三州縣麥苗胥
艱秀即使獲甘霖大田遠秋收旱沅奏豫省河北
毗連之開封河南二屬皆自去冬至今木雪雨雪
麥苗微細夏禾不能長發自前赴太白山取水
設壇祈禱於三月十七日自午至亥得雨二寸餘
地氣稍覺滋潤等語該處亢旱日久此時即得甘
霖播種人田欣成尚是用增惻然帶微緩新舊並
早據奏並增惻念

今加月賑一二以次授

據奏即降旨將開封府屬

氏洧鄭州中牟蘭陽榮澤汜水禹州孟縣滎陽鄆陵
儀封鄭州新鄭河南府屬之新安瀍池匯師彰德
府屬之安陽湯陰內黃等二十三州縣本年併上
年未完一切帶徵錢糧均緩至本年秋後徵收以
紓民力其受早較重及連年被水積穀之區並再
加賑一月口糧俟得雨後仍按故借行種俾資
耕作其無地之極貧即照延津等處之例加賑兩
月口糧仍飭該撫並率所屬胥力妥辦俾災黎得

嗟哉豫省民而望心焉疫調幕之良方予咨
非汝咨申命賢有司教惠其善副

二十六日奉

上諭直隸廣平順德大名三府屬與豫省河北毗
連上年冬間缺少雪澤今春亦未得有透雨河間
府屬之景州交河等州縣秋冬以來雨澤稍疎麥
收恐不免歉薄此時即得甘膏播種大田西成尚
早若令將新舊錢糧照常輸納小民未免拮据所
有廣平順德大名三府屬各州縣並河間府屬之
景州交河阜城獻縣河間肅寧津故城等州縣
著加恩將乾隆五十年應完錢糧並四十九年未
完錢糧及一切帶徵錢糧倉穀等項俱緩至本年

秋後徵收以紓民力其景州等州縣並者即行減
備出糶以平市價該督務須董率所屬實力妥辦
使一體均霑泥澤以副朕軫念民依有加無已之
至意該部即遵諭行

御製命緩徵直隸南三府及河間府屬之州縣錢

糧詩以詩事已

座懷豫省早災成絮矩遠南接界并更念河間缺

雨澤善令

平各屬緩春徵

直隸廣平順德大名三府屬與豫省河北接壤

又河間府屬之景州交河等處去冬來雨澤亦少
若將新舊錢糧照常輸納民力不無拮据因降旨
將屬平順德大名三府屬各州縣所屬河間府屬之
景州交河阜城獻縣河間肅寧寧津棗強等州縣
本年應完及上年未完帶徵各項錢糧俱緩至秋
後徵收以紓民力並令該督即行減價平糶率屬
實力妥辦俾小民推祈吉甯田耕起並出倉糧市
均得善需泥澤

價平咨爾有司勤體卹莫教溝壑轉吾氓

四月初一日奉

上諭據薩載等奏准徐海三屬今春雨澤短少現在二麥歉收等語准徐海三屬均為積歉之區上年冬間久晴上燥種麥無多今春雨澤又復愆期以致麥苗未能長發民力難免拮据所有准徐海三屬應完新舊錢糧著加恩緩至本年秋成後徵收以紓民力其貧民播種無資者並著按故借給籽種銀兩俾資接濟該督撫其董率所屬確查妥辦以副朕軫念民依之至意該部即遵諭行

初八日奉

上諭豫省衛輝一帶連年旱災甚重屢經降旨加

恩展縣並將緩徵帶徵民欠各項善行蠲免本年錢糧緩至秋後徵收矣該處雖兩次得有雷雨仍未渥被甘膏農民更形拮据朕心深為矜念即使夏至以前得有透雨及時播種大田秋禾成熟而當積數之餘閭閻元氣未能驟復仍恐艱於完納所有衛輝府屬之汲縣輝縣新鄉淇縣獲嘉延津滹縣滑縣封邱考城及附近災區之武陟陽武修武原武各縣本年應徵地丁錢糧竟著加恩概行蠲免俾吾民得安心耕作以待西成至間封歸德河南陝州許州等屬雨澤亦屬愆期麥秋失望從前降旨緩徵之祥符等二十三州縣內其受旱較重之祥符陳留蘭陽儀封蔡澤內黃六縣所有歷

年帶徵緩徵民欠各項著照銜輝所屬之例加恩
全行豁免其次重之杞縣通許尉氏洧川中牟湯
陰六縣著蠲免十分之五鄆陵滎陽禹州安陽四
州縣著蠲免十分之三至受旱少輕之陝州靈寶
許州臨潁襄城郟城長葛河內濟源孟縣溫縣臨
漳林縣洛陽鞏縣孟津萬縣永城鹿邑柘城虞城
夏邑太原扶溝西華等二十五州縣所有乾隆五
十年並四十九年未完錢糧及帶徵歷年錢糧倉
穀等項俱著加恩緩至本年秋後徵收以紓民力
其各該州縣內極貧下戶餬口無資者並著給與
一月口糧以示優恤該撫其督率所屬妥協辦理
務俾均霑膏惠副朕軫念災黎不使一夫失所至

意該部即遵諭行

御製降旨全蠲衛輝等屬本年地丁錢糧並鄰近
之間封各屬分別蠲緩加賑詩以誌事已

衛輝連歲早日夜我心惻賑款求其寧已不遺餘
力蠲舊免新徵庶其略蘇息奈何未悔禍春復闕
雨澤吁嗟我赤子那免溝壑瘠縱幸夏至前澍霽
露盈尺借種粒種粒晚田仍望秋有獲元氣豈遽
復那思追呼逼豫免今年賦少濟閭閻厄衛輝一
早災甚重雖屢經降旨加賑蠲免積欠並將本年
錢糧緩至秋後徵收但念積欠之餘元氣難復即
使夏至前得有透雨秋成尚遠民力仍艱完納因
即降旨將衛輝府屬之汲縣輝縣新鄉淇縣獲嘉
延津濬縣滑縣封邱考城及附近災區之武陟陽
武修武原武等十四縣本年應徵地丁錢糧全行
蠲免俾吾民安心其餘鄰近屬浹及池魚劇或緩
則作以待西成

或加縣極次以為格鄰進艾區之間封歸德河南
德期奉秋已夫望其受早較重之祥符陳留陽
儀封榮澤內黃六縣歷年帶微暖散各項亦即如
思全行通免次重之化驛通許尉氏洧川中牟滎
陰六縣通免十分之五驛陵滎陽高州安陽四州
縣通免十分之三至受早少輕之陝州靈寶許州
臨潁襄城郟城長葛河內濟源孟縣溫縣臨澤林
縣洛陽鞏縣孟津萬縣永城鹿邑柘城虞城夏邑
太康汝溝西華等二十五州縣所有本年夏四十
九年未完錢糧及歷年帶徵等項俱統至本年秋
後徵收以紓民力其各該州縣極貧並加賑一月
口糧仍諭該撫率屬實申命大小吏飢溺視已迫
俾民受膏惠賻我君臣青

十三日奉

上諭據書麟奏亳州等十一州縣本年雨水缺少
二麥不能一律栽插本日又據該撫由驛奏報安
慶省城於初四日大沛甘霖十分深透書麟前摺

係初二日拜發因差人齎遞是以與初四日奏摺
同時奏到省城既得甘霖想亳州鳳陽等處自必
一律普霑但現在節候已屆小滿即得有透雨亦
只能趕種大田而二麥收成已屬歉薄况各該處
均係上年積歉之區尤應加意撫綏所有亳州鳳
陽定遠懷遠靈璧泗州天長五河盱眙宿州蒙城
十一州縣民衛應徵新舊錢糧俱著加恩緩至本
年秋後徵收俾民力益臻寬裕該部即遵諭行

十六日奉

上諭東省兗州曹州濟寧三府州屬自去冬雨雪
短少春夏以來雖兼得雨澤未能接續普遍濟南
東昌泰安所屬各州縣亦因雨澤稀少麥收均不

免敷薄此時即得有透雨播種大田秋成尚早若
新舊並徵民力未免拮据所有兗州曹州濟寧三
府州屬之帶徵應徵錢糧倉投濟南府屬之德州
平原禹城陵縣臨邑新城齊河長清東昌府屬之
茌平清平冠縣館陶高唐州恩縣泰安府屬之泰
安新泰東平東阿臨清州屬之夏津武城邱縣等
各州縣本年應徵錢糧足未完帶徵錢糧倉穀等
項俱著加恩緩至秋成後再行徵收以紓民力該
撫其督率所屬妥協辦理務俾均霑膏惠副朕軫
念民依至意該部遵諭速行

御製命緩徵山東缺雨各府屬州縣錢糧詩以誌

事已

奉以接青黃麥歉民必飢山左春夏間缺雨屋憂
思麥歉則已定秋禾待種遲嗟哉艱食民間微正
值期六府屬州縣新舊雖不齊一例與緩徵春夏
間缺雨麥收較薄此時即善得透雨秋成尚早新
舊併徵民力本無拮据因降旨將兗州曹州濟寧
三府州屬之帶徵應徵錢糧倉穀濟南府屬之德
州平原禹城濛縣臨邑新城齊河長清東昌府屬
之茌平清平冠縣館陶高唐州屬之恩縣泰安府屬之
泰安新泰東平東阿臨清州屬之夏津武城邱縣
等州縣本年應徵錢糧及未完帶徵錢糧倉穀等
項俱令加恩緩至秋成後再行徵收以紓民力
閭閻救燠眉安心動晚田亟勸甘霖施

二十六日本

上諭據全德奏海州分司所屬板浦中正臨興三
場因去冬今春雨澤愆期晴乾日久產鹽有限請
將乙巳綱應徵錢糧懇緩徵等語本年海州等屬

兩澤稀少麥苗未能長發前已降旨將該處民戶錢糧概予緩徵至各場竈戶人等亦因晴久土燥產鹽未旺丁力未免拮据所有該竈戶等應輸乙巳銅錢糧亦著加恩緩至本年秋場產旺後再行徵收以紓丁力該部即遵諭行

五月初四日奉

上諭豫省被旱地方較廣而衛輝各屬情形尤重業經節次加恩現在京畿一帶已涸被甘膏而該省得雨仍未透足二麥無收大田未種民情更形拮据朕心深為軫念所有開封府屬之祥符蘭陽陳留儀封滎澤彰德府屬之內黃六縣本積歉之區今歲受旱較重其本年應徵地丁錢糧著即加

恩蠲免十分之五其情形次重之杞縣通許尉氏
洧川中牟鄆陵滎陽高州湯陰安陽十州縣所有
本年地丁錢糧者即加恩蠲免十分之三至緩徵
舊欠各州縣內開封府屬之鄭州新鄭汜水孟縣
河南府屬之新安澠池鄆師洛陽鞏縣孟津萬縣
歸德府屬之永城鹿邑柘城虞城夏邑陳州府屬
之太原扶溝西華陝州並所屬之靈寶許州並所
屬之臨潁襄城郟縣長葛又河北懷慶府屬之河
內濟源孟縣溫縣彰德府屬之臨漳林縣三十二
屬雖受早稍輕現在青黃不接小民生計亦屬艱
難所有歷年緩徵帶徵各項舊欠者加恩概予蠲
免十分之三其與災地毗連之商邱寧陵睢州宜

陽登封永寧淮寧商水汝州伊陽寶豐邙縣武安涉縣等十四州縣所有冬後應徵舊欠及本年錢糧俱著加恩緩至秋成後徵收以紓民力該撫其督率所屬妥協辦理務俾均霑膏惠副朕軫念災黎不使一夫失所至意該部遵諭速行

御製降旨分別蠲免河南開封等府州屬正賦及帶徵積欠錢糧詩以誌事已

河南五百里馳郵將謂甘而被豫州披閱乃覆奏諭旨弗增慰念仍增德馳摺以月之廿九此需需彼未蒙麻釋沅奏摺於四月廿九日拜發其日京師大雨而未據畢沅奏及是豫省尚木深被沅蓋昨為街輝雖蠲賦不無鄰郡向隅憂因命方伯查詳悉茲乃一一陳廢由前因河南被旱地方較廣除街

州各屬雖經得而仍木透足民情不無拮据因降旨
馳詢畢流令其持各屬雨水及麥秋大回情形據
實詳志夜奏茲據逐一詳查奏到因即降旨分別
蠲緩民力以十分之三或其二府正賦免課收今歲
較重間封府屬之祥符兩陽休留派封榮澤許德
府屬之內黃六條本年應徵地丁錢糧即降旨加
恩蠲免十分之五其次重開封府屬之杞縣通許
尉氏洧川中牟鄆陵陽武高州彰德府屬之湯陰
安陽十州縣即加恩足餘緩徵之舊欠視災輕重
次第酬屬之新安池州新鄭洧陽單縣孟津高縣
歸德府屬之永城鹿邑柘城虞城夏邑陳州府屬
之太康以溝西華扶州併所屬之聖宮許州併所
屬之臨潁氣城郟城長葛又河北懷慶府屬之河
內濟源孟縣溫縣彰德府屬之臨漳林縣等六府
二州所屬三十二州縣雖災早稍輕但現在青黃
不接小民生計維艱所有積年緩徵帶徵各項舊
欠並加恩概予蠲免十分之三其與災地毗連之
高郵寧陵睢州宜陽登封永寧淮寧高水武安涉
縣并汝州及所屬之伊陽寶豐郟縣等十四州縣
所有麥後應徵舊欠及本年錢糧俱著加恩緩至

秋成後從收並令該撫率屬俾我窮黎少蘇息所
妥協州理俾窮民均霑奇惠優霖被補種秋從來救災無善政盡予心力勸咨
詠

六月二十八日奉

上諭據全德奏秦州分司所屬伍佑新興廟灣三
場坐落淮安府屬之阜寧鹽城二縣地方因天氣
久晴糧價昂貴竈戶買食維艱現撥鹽義倉穀石
平糶等語本年淮北各屬雨澤稀少業經加恩將
錢糧緩徵並賞借貧民口糧以資接濟至該竈戶
等因屋鹽有限口食拮据自應一體加恩賑恤所
有伍佑新興廟灣三場乙巳綱應輸折價錢糧著
緩至秋鹽產旺時再行徵收並酌借一月口糧俾

無力竄丁得資口食該部即遵諭行

八月二十七日奉

上諭據明興奏本年東省春夏以來雨澤短少兗州曹州東昌三屬得雨尤遲兗州府屬之嶧縣曹州府屬之濮州范縣朝城觀縣定陶荷澤東昌府屬之聊城莘縣共九州縣收成較薄止有四分至二分不等具有銜地坐落各該州縣者亦被旱成災小民口食維艱又濟南府屬之德州泰安府屬之新泰萊蕪平陰東阿東平兗州府屬之泗水滕縣陽穀壽張曹州府屬之鄆城鉅野沂州府屬之蘭山郟城蒙陰費縣沂水東昌府屬之恩縣莒平堂邑青州府屬之益都昌樂壽光萊州府屬之濰

縣昌邑共二十五州縣並坐落銜地亦因未得透
雨現在收成雖有五分上下勘不成災而得半收
成民間僅堪餬口等語東省雨澤愆期收成歉薄
民情拮据矜念殊深所有收成最薄之嶧縣濮州
范縣朝城定陶觀城荷澤聊城羊縣九州縣及坐
落各該州縣銜地俱著加恩一體賑恤並將應徵
錢糧查照被災分數照例分別蠲緩該撫務須率
屬詳妥為之俾災黎均受膏惠其收成五分上下
之德州新泰萊蕪平陰東阿東平泗水滕縣陽穀
壽張鄆城鉅野蘭山郟城蒙陰費縣沂水恩縣在
平堂邑益都昌樂壽光濰縣昌邑二十五州縣及
坐落銜地皆止有得半收成若將應徵錢糧照舊

徵收民力自本免竭蹶並著加恩將本年應徵及
運徵帶徵錢糧籽種銀兩俱緩至明年春熟後徵
收其本年應徵漕糧及借出倉穀俱緩至明年秋
收後開徵俾窮民口食有資該撫其實力妥辦以
副朕屢念民依不使一夫失所之至意該部即遵
諭行

九月十八日本

上諭明興奏濟南府屬之長清濟寧州屬之金鄉
魚臺嘉祥四縣於八月下旬天時乍寒被霜較早
晚禾尚未結實一經霜打收成頓減民情未免
望等語長清金鄉等縣本年春收本屬歉薄今又
被霜較早晚禾收成頓減殊堪軫念著加恩將長

清金鄉魚臺嘉祥四縣及坐落衝地照德州等二十五州縣之例將本年應徵及緩帶徵錢糧籽種銀兩緩至明年麥熟後徵收其本年應徵及緩帶徵漕糧出借倉穀亦緩至明年秋收後開徵俾窮黎各安衽席不致一夫失所所以副朕軫念災區有加無已至意該部即遵諭行

二十五日奉

上諭據吳垣奏本年湖北江夏武昌等州縣民田軍屯夏秋被旱成災內應行輸漕州縣共計有三十餘處自間徵月餘完納無幾體察情形民力甚為拮据懇請照四十三年緩徵成案分別辦理等語著照所請將成災較重有漕之江夏武昌成寧

嘉魚蒲圻漢陽沔陽黃陂孝感荊門廣濟黃梅應
城隨州江陵公安監利十七州縣本年應完漕糧
正耗木石銀款等項緩作三年帶徵成災較輕有
漕之興國大冶崇陽潛江天門黃岡蘄水蘄州羅
田安陸雲夢應山石首松滋十四州縣本年應完
漕糧正耗木石銀款等項緩作兩年帶徵至被災
稍輕之通城及毗連災區之通山當陽又成災之
黃安等州縣所有本年應徵漕糧并折漕隨漕銀
款俱著一體緩作兩年徵解其該處屯田分坐災
地應徵等項亦著一併寬至下年一年帶徵俾軍
民均得從容輸納口食益資充裕以副朕軫念災
黎無使一夫失所之至意該部遵諭速行摺並發

十月初七日奉

上諭據福康安奏甘肅皋蘭金鄉伏羌安定會寧
平涼靜寧隆德鹽茶秦安平番莊浪等十二廳州
縣縣丞地方間被雹水偏災請將銀糧草束蠲免
等語甘省地瘠民貧上年逆回滋擾業經降旨將
通省額賦概免徵輸以紓民力其皋蘭等十二廳
州縣復間有雹水偏災之處著再加恩將皋蘭金
縣伏羌安定會寧平涼靜寧隆德鹽茶秦安平番
莊浪等十二廳州縣縣丞地方所有應徵正耗銀
二千七百一十兩六錢七分糧一千一百八十二
石七斗七升草二千三百四十二束概行蠲免以
示朕軫念邊黎之至意該部即遵諭行

初十日奉

上諭福崧奏仁和等十七州縣並杭嚴嘉湖二衛田畝歉收請將應徵漕米錢糧等項分別緩徵等語本年浙西一帶雨澤愆期田禾間有被旱之處收成不無歉薄民力未免拮据所有仁和錢塘海寧餘杭臨安嘉興秀水海鹽於潛石門桐鄉烏程歸安長興德清武康安吉等十七州縣並杭嚴嘉湖二衛歉收田畝應徵地漕錢糧著加恩緩至五十二年麥熟後徵收其漕米及新舊漕截等銀亦著緩至次年秋成後徵收帶運以紓民力該部即遵諭行

十一月二十六日奉

上諭據浦霖奏湖南省各縣銜有勘不成災田畝
收成僅及六分民間蓋藏鮮少稍形拮据等語前
因該省已陵等縣銜得雨較遲秋禾不無數薄業
經降旨分別蠲賑此外各縣銜被旱田畝雖勘不
成災但令照舊徵輸民力完形拮据著該撫查明
將現年民屯地丁錢糧均緩至次年秋成後徵收
所有隨正徵收之漕項等雜款銀糧並緩至正餉
開徵時一體補徵俾較收農民生計益資寬裕以
副朕軫念災區有加無已之至意該部即遵諭行

孚惠全書卷二十三

偏偶蠲緩十二

乾隆五十一年正月初三日奉

上諭上年浙西杭嘉湖三府屬之仁和等十七州縣並杭嚴嘉湖二衛得雨較遲收成數薄業經降旨將應徵地丁漕項銀米緩至次年分別帶徵以紓民力第念今春東作方興農民倍種翻犁未免高形拮据著再加恩將杭嘉湖三府屬之仁和錢塘海鹽餘杭臨安於潛嘉興秀水海鹽石門桐鄉烏程歸安長興德清武原安吉等十七州縣並杭嚴嘉湖二衛再行緩徵至秋後按例徵收並查明實在貧民酌借口糧籽種以資接濟該撫務董飭

所屬膏力奉行使茅簷菲屋均霑膏惠以副朕軫念黎元善錫春祺之至意該部即遵諭行

御製命緩徵浙江去歲被旱州縣詩以誌事

丙午

浙雖一省分東西去歲迨東頗報稔

上年浙東之全衢嚴寧紹

溫台處八府秋迨西數府近款蕪城門殃及達早

審浙西之杭嘉湖三府地近款災雖弗重民食貴

緩徵借種寧可緩杭嘉湖三府屬之仁和錢塘等

歲已降旨將應徵地丁漕項緩至次年分列帶徵

以紓民力茲令再行緩至秋收後徵收並查明寄

在貧民酌借口糧亦欲膏惠被飢民申命有司其

勤恁
初四日奉

上諭上年江蘇淮安徐州海州所屬雨澤愆期夏

秋二熟均屬丈收江寧揚州鎮江所屬府州縣秋
成亦多歉薄業經降旨分別給賑並截漕平糶以
資接濟俾災氓不致失所第念今春正賑已畢青
黃不接之時民食恐不無拮据者再加恩將被災
較重之徐屬蕭縣碭山二縣十分災極次貧民展
賑兩個月其淮安徐州海州江寧揚州五屬之八
分災以下及勘不成災地方所有實在乏食農民
酌借籽種口糧俾衆食者得資鋤口乏種者無誤
翻犁該督撫務董飭所屬齊心經理以副朕軫念
窮簷普錫春祺之至意該部即遵諭行

御製降旨加賑江南去歲被災州縣詩以誌事

兩

淮徐接濟豫被澤吏踰時未成淮徐海所屬至夏
河南史遲雖種花豆而晚稼全無獲優恩可復遲
人田已趕種不足矣
賑期增一再淮徐各所屬及江寧揚州等州縣前
歲漕平糶但今春正賑畢後民食尚艱再加恩將
被災較重之蕭縣碭山二縣展賑兩月其淮海徐
揚江寧等五屬展賑一月至各府七分災以下及
勛不成災地方酌借口糧行陸俾民食有資不致
所災況切嗟咨冬雪雖聞渥春霖仍顯施

初六日奉

上諭上年山西省忻代定襄等六州縣被水成災
業經降旨照例給賑並酌量借給口糧籽種以濟
民食第恐春耕肇始青黃不接之時民力不無拮
据著再加恩將代州五臺崞縣繁峙忻州定襄等
六州縣乾隆五十年未完錢糧並春借倉穀緩至

本年秋季徵收又文水縣之西莊等三十三村莊汾陽縣之潞城等三十一村莊雖據該撫查明勘不成災但業經被水恐難照舊輸將所有乾隆五十年未完錢糧均著緩至冬熟後徵收以紓民力該撫督率所屬齊心經理以副朕軫念窮簷有加無已之至意該部卽遵諭行

十四日奉

上諭明興奏濟南泰安東昌等屬得雨未能深透現屆青黃不接之時糧價稍昂民力未免拮据等語東省上年秋收歉薄節經降旨賑恤緩徵今濟南等府州屬春雨又復短缺糧價較昂若令照例輸將民力不無艱窘所有歷城章邱鄒平長山齊

東淄川肥城博平臨清等九州縣及坐落衛地本年應徵折舊錢糧並著加恩緩至秋成後徵收以紓民力該部即遵諭速行

御製命緩徵山東欽而九州縣新舊錢糧詩以誌

事

十四

東省去年歉春雨復未均需者冬望收大田亦間聲的其未優需者束手傷農人賑貸雖屢加民艱屋時詢嗟哉九州縣間徵正及長遂允撫臣奏速

與頒恩給新舊錢糧

據明興奏東省濟南東昌臨清屬內雨澤有未能需

足處所大田不能一律播種望澤頗乾現存濟心祈禱等語即俸旨將該省上半年夏秋缺雨餘濟奉免曹東臨等六府州屬已經俸旨緩徵州縣外所有歷城章邱鄒平長山齊東淄川肥城博平臨清等九州縣及坐落衛地本年應徵折舊錢糧均緩至秋成後徵收俾免違呼以紓民力

免擾頻仍為社祈甘膏善被蘇吾民

五月二十二日奉

上諭據明興奏東省濟南東昌臨清所屬及毗連地方春夏以來雨水短少麥收不無歉薄等語該省上年缺雨被旱成災今歲雖連獲甘膏其短雨州縣麥收仍有歉薄民力不貲竭蹶朕心深為厯念著加恩將被旱稍重之歷城德州齊河禹城平原陵縣長清聊城莘縣堂邑東平東阿平陰陽穀壽張觀城范縣朝城臨清州等十九州縣及坐落衛地查明借給兩月口糧被旱稍輕之章邱鄒平長山新城淄川齊東冠縣恩縣館陶博平任平清平樂安博興壽光萊蕪肥城蒲臺霑化汶上邱縣

濮州等二十二州縣及坐落衛地查明借給一月口糧以資接濟至各該地方應徵折舊錢糧除歷城等十五州縣業經緩徵外其餘德州齊河等二十六州縣及坐落衛地現在應徵折舊錢糧並著加恩緩至秋成後徵收俾貧民既資口食並免催徵該撫務董率所屬實力經理以副朕軫念羣黎惟恐一夫失所之至意該部遵諭速行

御製降旨山東被旱各州縣借給口糧並緩徵折

舊錢糧詩以誌事內

山東被旱九州縣緩徵秋糧早降旨

前據明興泰濟南東昌臨

清屬內歷城等九州縣得雨未能需足已降旨將本年應徵折舊錢糧緩至秋成後徵收以紓民力

詳見誌事詩

因循毗連復望澤其數蓋不止九已

並據明興

奏濟南東昌臨清所屬及毗連地方春夏雨水
短少麥收不無較薄其故早霜重者歷城德州齊
河禹城平原長清柳城臨邑東平東阿
平陰陽穀壽張觀城范縣胡城臨清等十九州縣
被旱稍輕者章邱鄆平長山新城濰川齊東冠縣
恩縣館陶博平茌平清平樂安博興壽光萊蕪肥
城濟寧濰化汶上邱縣雖間被雨麥數定於四月
望前得雨又於臨陽日近者州縣得雨三禾黍種
四寸然二麥已屬歉收民力不無拮据
待秋遠矣况均去歲被災後大異前年稔可持去
東省雖被災然稍前年秋收可以支持上民艱大
令各被旱則是游絲饑饉益鮮蓋藏矣
吏詳悉陳嗟哉恫瘝懷切已借糧有等緩徵均歷
等十九州縣及坐落街地被旱稍重者俸借給
兩月口糧章邱等二十二州縣及街地被旱稍輕
者借給一月口糧其餘德州齊河等二十六州縣及
縣業經緩徵外其餘德州齊河等二十六州縣及
街地俱緩至秋成從從徵收俾貧民既資口食並免
催徵令該撫等率屬胥心經理毋致一夫失所
丁寧體恤勤經理滿期令歲民少蘇雖料依然仍

有此調幕無能益自慚忍弗盡心殺赤子

六月十四日奉

上諭據毓奇等奏江浙兩省幫船上運餘米請暫緩帶交一摺前因邳宿運河淺阻起卸耽延將乾隆四十九五十年江浙省幫船應交餘米准其遞年分限帶交今該督等以兩省上年早穀之後米價昂貴採買維艱且本年沿運河道仍多淺阻幫船起卸丁力未免拮据奉請遞緩帶交四十九年未完一半餘米緩至五十二年其五十年緩交餘米遞緩至五十三四兩年搭運交倉完納至江南漕船所有帶交四十九年未完一半餘米著照浙省之例一併遞緩以紓丁力該部即遵諭行欵

並發

九月十五日奉

上諭據明興奏東省舊欠錢糧未殺行種等項遞年積壓款項繁多若同時並徵恐小民力有未逮請將上年被旱各州縣歷年未完錢糧及民借行種銀兩並上年緩徵漕糧等項分年帶徵等語山東省歷年歉收今歲幸獲豐稔民間舊欠自應稍緩催徵以紓民力所有上年秋禾被旱成災之嶧縣聊城莘縣濮州范縣觀城朝城定陶荷澤等九州縣並坐落衛地除五十年錢糧照例按成災分數分年帶徵外其未完四十六七八九等年舊欠銀九萬七千一百五十五兩零又上年被旱勘不

成災之德州長清新泰萊蕪平陰東阿東平泗水
滕縣陽穀壽張鄆城鉅野恩縣任平堂邑蓋都昌
樂壽光昌邑濰縣蘭山鄆城蒙陰費縣沂水金鄉
魚臺嘉祥等二十九州縣並坐落衛地未完四十
六七八九五十年舊欠銀八十八萬一千九百
三十兩零又嶧縣等三十八州縣積年未完民欠
常社及米麥易穀共五十六萬二百一十七石零
民借未完籽種銀一十九萬六千八百三十二兩
零並各該州縣五十年分尚有緩徵漕糧米十萬
一千七百五石零及漕倉銀兩俱著加恩准其分
作兩年帶徵以紓民力而裕蓋藏該部即遵諭行

二十一日奉

上諭據革沅奏豫省開封衛輝歸德等屬連年積
歉現屆開徵之期查歷年緩借各項甚多請展至
五十二三兩秋後帶徵等語豫省開封等屬連歲
歉收今秋又間有蝻孽萌生晚穀不無稍減若此
時新舊並徵民力未免拮据所有秋收補數之祥
符俾留杞縣尉氏洧川中牟蘭陽鄭州新鄭延津
封邱陽武原武長葛等十四州縣並歷年積數之
汲縣新鄉獲嘉修武內黃通許鄆陵議封滎澤商
邱睢州柘城鹿邑湯陰許州襄城十六廳州縣除
本年應徵地丁錢糧及應徵漕米照例徵收外其
歷年緩徵蠲剩帶徵未完地丁正耗及有漕地方
緩徵帶徵舊漕並未完節年出借籽種口糧春借

倉穀等項俱著加恩准其展至五十二三兩年秋收帶徵俾得次第輸將民力益臻寬裕該部即遵諭行

十月初六日奉

上諭上年山東被旱成災節次降旨將舊欠銀兩投石並五十年分緩徵漕糧准再予分限二年帶徵以紓民力茲據明興奏稱截留東漕又計有二十餘萬石若將雜借二項全行徵收買補而賑濟動用者復併動項採買恐同時並徵小民力有不逮請將出借米石分作二年帶徵其賑濟動用米石請俟明歲秋收再行買補等語東省本年雨澤應時秋成豐稔所有舊欠漕糧自應買補歸款第

念該處積款之後民力未臻充裕若照該撫所請
撥出借米一十一萬一千餘石加恩分作二年帶
徵至賑濟動用米八萬二千餘石著緩至明歲秋
收再行買補起運俾民間益藏蓋資鏡裕以示朕
體恤閭閻有加無已之至意該部遵諭速行

十一月初五日奉

上諭據伊齡阿奏上年仁初等十七州縣緩徵漕
糧請酌分二年徵收帶運一摺上年浙西杭嘉湖
三府屬之仁和等十七州縣暨杭嚴嘉湖二衛秋
禾被旱歉收節經降旨將應徵漕糧緩至本年秋
收後徵收第念該省本年收成雖屬豐稔而民間
元氣未復若同時新舊並徵民力不無拮据所有

緩徵漕糧並改徵漕米二十四萬五百餘石著照所請本年徵收一半其餘一半著加恩俟次年徵足帶運以紓民力該部即遵諭行

乾隆五十二年正月初五日奉

上諭據書麟奏安徽安慶廬州鳳陽穎州等府屬之十六州縣應徵舊欠及歷年災緩錢糧等項為數較多若同時並徵民力不無拮据等語安徽等府各屬俱係災歉之後去年春夏雨水稍多又災後疫氣交作民間元氣未能遽復若令折舊並徵小民輸將未免拮据所有安慶府屬之懷寧桐城潛山太湖宿松望江廬州府屬之舒城鳳陽府屬之宿州穎州府屬之阜陽潁上亳州蒙城太和霍

邱和州併所屬之舍山等十六州縣去年應徵舊欠及歷年災緩錢糧借欠本折行種口糧等項俱若緩至今年秋成從補徵以紓民力該部即遵諭行

御製命緩徵安徽廬州鳳陽潁州等府十六州縣

舊欠詩以誌事

木丁

各省昨秋被災鮮如恩旨少沐

恩稠昨歲直隸山東河南山西陝甘湖廣江西江蘇安徽各省據督撫等奏報被災均在八九

分以上內惟江蘇之清河安徽之宿遷等縣安徽之鳳陽等州縣被水成災不過一隅中之一隅於通省全局無妨是以今歲新正加賑恩旨僅止江蘇安徽二省此實上天恩賜俾民氣較前蘇息也

新正合再緣綸沛安欽重歷十六州昨已降旨如

等偏災十五州縣茲復念安徽廬州鳳陽潁州等府屬前年災歉之後適逢疾疫民間元氣未復若

特所文歷年災緩之項新舊同時並徵本免括據
因再加恩所有安慶等府屬之陳寧等十六州縣
祇徵本歲正項其應徵舊欠及歷年災緩錢糧借
欠本折口糧籽種等項俱緩至今歲秋成後視民
微以如何再行補本歲幸完租賦正歷年余欠舊折
留都教緩至西成後元氣吾民庶暫休

初十日奉

上諭琅玕奏浙省漕白幫船節年借額各款有未
完銀一十六萬八百餘兩本年應扣八萬二千兩
零請旨分別寬限完繳以紓丁力又另片奏稱浙
漕本年應行搭解四十七八九等年緩交餘米及
欠風賠補米共二萬二千九百七十餘石請於本
年先搭解一半餘俟下運解交各等語浙省丁力
疲乏各幫扣項既多辦運恐致拮据著加恩將極

疲扣款較多之台前台後溫前溫後處前處後金
衢所杭頭杭二處所嘉白湖白十二幫借款銀十
二萬九千一百五十六兩零於五十一年為始分
作八限扣繳次疲扣款較少之寧前寧後杭三杭
四湖所海所嘉所紹前紹後九幫借款銀三萬一
千六百八十三兩零於五十一年為始分作六限
扣繳其各幫應行搭解餘米二萬二千九百七十
餘石亦著加恩於本年先行搭運一半餘俟下運
全數解交以示體卹該部即遵諭速行揭併發

二月十四日本

上諭此次臺灣逆匪林爽文等糾眾謀逆劫縣戕
官到處搶掠節據常青等奏稱義民鄉勇人等隨

同官兵奮勇殺賊守禦郡城甚屬可嘉業經降旨
令該督等查明出力義民優加獎賞量給職銜惟
念逆匪滋事之初經過地方百姓田廬牲畜被其
蹂躪劫掠及避賊遠徙流離者殊為可憫亦宜一
體加恩善施惠澤所有臺灣府全屬五十二年應
徵地丁錢糧悉行蠲免以副朕優加軫恤之至意
並著該督撫接奉此旨即日將黃遍諭各處該部
遵諭速行

御製命免臺灣府本歲正供詩以誌事

無端孽種聚符徒劫掠村莊害及官福建臺灣逆

創立天地會名目煽誘匪徒謀為不軌劫掠村莊

及知府係景燧知縣俞峻等往捕轉被戕害當此
光天化日之下聚眾倡亂不法已不得已而用兵
極不可不人加懲罰以清海疆

勦莫非勤以俾民安因思亂後閭閻困合今當前
賦稅寬據總督常青從臣黃士簡任承恩等先從
報連次用暇擊殺逆匪甚衆並用義民
鄉勇數千值同勦殺甚屬可嘉除俟事定後自當
從優分給外著因念臺灣良苦百姓當此逆匪肆
擾之際驚懼逃避不免受其荼毒深堪憫惻因馳
傳諭旨令將臺灣一府四屬今歲錢糧概免徵輸
以示軫念德化未沫軍新洋一為南望一心寒
良民至意

三月二十四日奉

上諭據長麟奏濟南兗州各府屬上年雨雪短少
麥田未能善種現屆青黃不接之時應完地糧米
穀及籽種銀兩數目繁多小民輸將稍形竭蹶等
語東省濟南等府屬頻歲歉收上年雖秋成豐稔
復因雨雪短少麥田未能善種今春雨澤亦尚未
一律優需際此青黃不接之時若新舊並徵民力

不無信據所有濟南府屬之歷城章邱長清齊河
禹城平原齊東鄒平長山新城兗州府屬之嶧縣
滕縣鄒縣陽穀壽張泗水東昌府屬之聊城高唐
莘縣恩縣茌平清平堂邑博平冠縣館陶青州府
屬之益都昌樂高苑博興樂安壽光臨淄胸秦
安府屬之東平東阿平陰萊蕪武定府屬之濱州
利津霑化曹州府屬之荷澤曹縣單縣濮州城武
定陶鉅野鄆城范縣觀城朝城并臨清州共五十
三州縣及坐落衛所除本年新糧照例徵收外其
五十二年分應徵地糧米穀籽種及前次未經分
年帶徵之項俱著加恩緩至本年秋後分作兩年
帶徵內有五十年秋禾成災及勘不成災之州縣

衛所應行帶徵節年地糧米數行種前此定限二
年之項著分作三年帶徵定限三年之項分作四
年帶徵統於本年秋後開徵為始俾得從容輸納
民力益資寬裕副朕惠愛閭閻有加無已之至意
該部即遵諭行

御製命緩徵山東歷年積欠錢糧詩以誌事

丁未

山左頻年歉昨逢薄獲秋而仍冬雪短難望宿麩

收祇可正供納那能積欠酬緩徵分次第

據長麟
山東

濟南等府屬頻歲秋收上年秋成雖稔復因冬雪
未能一律均霽今春各屬雨澤亦欠深透際此青
苗不接之時若新舊錢糧並徵民力不免拮据等
語因即降旨將濟南府屬之歷城等十縣兗州府
屬之嶧縣等六縣東昌府屬之聊城等十縣青州
府屬之益都等八縣泰安府屬之東平等四縣武
定府屬之濱州及利津等二縣曹州府屬之荷澤
等十一縣並臨清州共五十三州縣及衛所地畝

除本年新糧照例徵收外其上年緩徵糧米並前
次未征分年帶徵之項俱著加恩緩至本年秋收
後分作二年帶徵其應帶徵節年之項定限三年
者展作四年俾作從容輸納以紓民力仍即行
疾苦正盈時

四月十八日奉

上諭據劉綬奏天津府屬之慶雲鹽山二縣得雨
濤遲久田雖已播種尚未出土民力未免拮据等
語慶雲鹽山二縣得雨較少秋禾未能出土際此
青黃不接之時若照例開徵小民迫於輸將未免
更形竭蹶著加恩將該二縣應徵本年並新舊錢
糧倉穀一體緩至本年秋成後徵收以紓民力該
部即遵諭行

御製降旨緩徵直隸春間缺雨三十一州縣歷年

新舊錢糧詩以誌事丁

昨年臘盡侵霜雪今歲春三却望霖幸是京東澤
猶泥上年直隸各屬臘雪漫今春以未雨澤本
能善過所幸自薊州迤東連化永平並寶坻
軍河天津一帶得雨深透二麥憐斯畿右曠將深
秀省人田亦已青蔥可望有收憐斯畿右曠將深
茲據劉表自保定迤南等處地方得雨多寡不
等其僅止一二寸者望澤甚殷所有上平被災之
安州等十七州縣內除清苑蠡縣安州高陽趙州
隆平寧晉曲周難澤任邱等十州縣現在大田已
種齊全麥苗發秀且已於平糶粟內每石請減銀
一錢足資接助其安肅望都肅寧宣化萬全懷安
西軍等七州縣暨本年秋雨之良鄉涿州順義景
州阜城交河獻縣故城寧津等九州縣又冀州暨
所屬之棗強並四十九五十年被旱本多又復
缺雨廣平府屬之永年廣平磁州清河大名府屬
之大名元城開州東明長垣清豐南樂等十三州
縣又天津府屬之慶雲鹽山二縣共計三十一州
縣本年均因雨澤稀少收成不無稍減等語畿右
一帶因早麥收成望深堪慮念因即降旨將本年
並即年應完新舊錢糧倉教一併緩至本年秋收
後再行徵收以紓民力並於京城設壇祈禱籲冀

甘霖即霽得及時趕登場麥已全失望卜原禾
種庶幾蘇我農民耳

二十二日奉

上諭長麟奏濟南府屬之濟陽陵縣臨邑淄川德
州德平武定府屬之商河惠民樂陵青城蒲臺海
豐陽信青州府屬之博山泰安府屬之泰安肥城
新泰等十七州縣從前或與災地毗連或因被旱
歉收俱有歷年未完之項現在雨澤未霑麥秋無
望請將該州縣等舊欠錢糧緩至秋後徵收等語
濟南等屬上年既被旱歉收本年又雨澤愆期若
將新舊錢糧一併徵收民情未免竭蹶所有濟陽
陵縣臨邑淄川德州德平商河惠民樂陵青城蒲

臺海豐陽信博山泰安肥城沂泰等十七州縣及
坐落衛地除本年應徵錢糧照例徵收外即年積
欠未完正耗錢糧及緩徵帶徵籽種口糧米穀等
項著加恩自本年秋後為始分作二年帶徵以紓
民力該部即遵諭行

五月初四日奉

上諭據穆騰額奏東省近來雨澤愆期海水不能
上湖產鹽缺少請將本年及上年應完課銀並節
年帶徵課項一體分限緩徵等語前歲東省雨澤
愆期本年春夏雨水又復稀少以致各灘場產鹽
日少行銷停滯若同時並徵商力不無拮据所有
應徵本年課銀及五十一年正接引課銀帶徵五

十年初限正接引課銀共四十二萬八百餘兩若
加恩准其緩至五十三年秋後起徵分限四年帶
完以紓商力該部即遵諭行摺併發

八月十二日奉

上諭據毓奇奏江蘇省領兌華亭婁縣太賢等三
縣浙江省領兌海寧臨安新城於潛昌化嘉興海
鹽嘉善平湖秀水石門桐鄉歸安烏程等十四州
縣漕米各幫米色盡變不堪交納將行月耗米抵
補再加交倉贈耗行糧外不能復有餘米請將此
次應交三升八合餘米俟下運分作兩年買補帶
交等語各幫領運漕米例有餘米以資該丁等回
空飯米之需此次抵交外若再令買補餘米分年

帶交恐近年丁力疲乏轉行支絀所有江蘇省華
亭等三縣浙江省海寧等十四州縣各船應交三
升八合餘米竟著加恩寬免以副朕體卹丁力至
意

十月初八日本

上諭據書麟奏安徽省亳州等十八州縣連歲被災
又壽州等四州縣亦係積歉之區若將緩徵帶徵
錢糧同時並徵民力未免拮据等語安徽省亳州等
處疊被災稔本年睢州復有漫口之事該處地居
下游又被淹浸自應分別蠲緩以紓民力所有成
災之亳州蒙城懷遠鳳陽靈璧宿州泗州五河盱
眙天長等十州縣及勘不成災之定遠鳳臺廬江

無為和州含山滁州全椒等八州縣其節年帶徵
緩徵正雜錢糧及漕項漕米著分別年限遞行展
緩壽州合肥巢縣來安四州縣應徵五十年帶徵
緩徵各項銀米著隨同本年新糧收其五十一年
帶徵緩徵銀米著緩至五十三年秋後開徵俾小
民次第輸將以副朕軫念災黎至意

十二日奉

上諭據畢沅奏豫省高邱寧陵睢州被水地方應
徵漕糧等項分別緩徵帶徵等語該省自本年睢
州十三堡漫口高邱寧陵睢州三州縣地處項衝
被災較重民力未免拮据所有該三屬被水地畝
應徵米麥豆三項緩至五十三年徵收四十九五

十兩年帶徵漕糧並著遞緩一年其該三屬木徑
被水村莊秋禾雖屬有收但與災地毗連亦應酌
量體卹除本年應徵銀兩照例徵收外其節年帶
徵漕糧亦著緩至五十二年輸納以示朕軫念災
黎至意至高郵等三屬應徵麥豆亦准其於不被
災州縣應徵粟米內改徵以紓民力該部卽遵諭
行

十二月十五日奉

上諭據李侍堯等奏臺灣府屬各廳縣本年應徵
兵糧及耗羨莊租雜稅等項請分作四年帶徵等
語臺灣自勒捕逆匪以來節經降旨將乾隆五十
二三年兩年錢糧並嘉義縣五十四年錢糧全行蠲

免矣今此項應徵兵穀及耗羨祖稅固應照例徵收以備借支但念該處經賊匪滋擾後被難歸莊之民未遑耕種生理維艱若仍分年帶徵民力不無拮据所有臺灣各屬本年應徵兵穀十九萬九百餘石及耗羨莊租雜稅銀六萬九千餘兩粟一千八百餘石俱著加恩全行寬免以副朕惠愛被難邊黎有加無已至意該部即遵諭行

御製降旨豁免臺灣應徵兵穀詩以誌事

臺灣經賊變正供免兩歲

春間屢念臺灣良民因逆匪之擾未克有誤耕

作九月後據柴大紀奏請爾義民踴躍急公情形先從命將臺灣全郡本年及明年應徵錢糧悉免徵輸至諸羅百姓於忠義同心固守降旨將縣名改為嘉義並將五十四年閩縣錢糧亦行蠲免用是兵穀繁軍需弗克乃恒例督撫屢民艱今朝

奏章至下敢竟乞免帶徵四年計嗟嗟無辜民沙
嘉苦受備強幸功近成庶得耕耘遂茲歲李侍克
澤各歲本午應徵兵稅及札長租銀本分作四
年帶徵等語目下福原安等帶額人兵已抵諸軍
沿路勤稅賦求清嚴旋往斗六門一帶使備逆首
大功不日告成然地方被賊蹂躪之後艱苦備至
未春方事甫竣安有蓋藏因加恩將該郡四屬應
徵兵銀十九萬九百餘石及札長租銀六萬九
千餘兩束一千八百餘石全行免俾民漸忍令
獲蘇息以副惠愛被難編氓有如無己至意
帶徵設其設何由茲概命豁免之明歲資蘇息計
冀漸元氣復而望鏡清意

平惠全書卷二十三